



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Clavdii Aqua-Vivae Societatis Iesv Præpositi  
Generalis V. Meditationes In Psalm. 44. et 118**

**Acquaviva, Claudio**

**Coloniæ Ubiorum, 1616**

10 Myrrha, & gutta, & casia à vestimentis tuis, à domibus eburneis: ex  
quibus delectauerunt te filiæ Regum in honore tuo.

[urn:nbn:de:hbz:466:1-50645](https://nbn-resolving.org/urn:nbn:de:hbz:466:1-50645)

Ad quid consecratus sis, & inunctus. Grati-  
as agunt Sancti in Cælis dicentes, Regi  
nostro, Christo nostro, Vnctori nostro,  
fecisti nos Deo nostro Reges, & Sacerdo-  
tes: eadem sit vox tua in terris, eadem  
laus. Postremò tam sancto oleo, tam suau-  
vnguento delibutus, caue ne muscæ mo-  
rientes perdant suauitatem vnguenti. Ita

*Exod. 18.*

viuere stude, vt, si muscæ molestæ esse non  
desinant, abigantur sanctæ vigilantia  
manu, nec mori in te, aut putrescere per-  
mittantur. O vnguentum. O somnolen-  
i tã nostrã. Caue item nede te dicatur, quòd  
quibusdam minatur Michas, Tu calcabis

*Mich. c. 6.*

oliuam, & non vngeris oleo, si in tam  
multis occasionibus proficiendi, tanta  
abundantia misericordiarum Dei, oleo  
isto abundantissimo non vngeris.

10. Myrrha, & gutta, & casia à ve-  
stimentis tuis, à domibus ebur-  
neis.

De vesti-  
mētis o.  
doratis  
Sponsi.

**H**ic considerandæ vestes, loca vbi asser-  
uantur, & vnde proferuntur, quali-  
bus odoramentis nobilitentur, à quibus  
ita odoribus respergantur, quò tandem  
totus hic apparatus vestium, & odorum  
tendat. Vestes sunt Sponsi Regis, tanto  
Sponso, tantoque Rege dignissimæ. Loca  
vbi asseruantur, & vnde proferuntur, domus  
non quælibet, sed palatia, & magnificen-  
tissimæ aedes, exque non fortuito, aut vul-  
gariter

gariter ornatae, sed ebore purissimo con-  
uestitae. Vestes vero odoribus resperse sunt  
myrrha, aloe, vel stacte, & casia. Odora-  
mentis autem imbuuntur vestes, non à  
mulierculis, quales sibi unguentarias Saul  
facturus praedicebatur, sed à filiabus Re-  
gum: quae omnia in honorem tanti Spon-  
si, laudesque amantissimè dirigunt. Per-  
pendamus singula.

1. Reg. c. 8

Vestimenta Christi Domini aliqui hu-  
manitatem eius intelligunt, ex qua sine  
dubio suavissimi efflantur odores. Quis  
enim sufficiat cogitare, nedum exprimere  
qualibus, quam caelestibus, quam diuinis,  
quam inuestigabilibus sint plena odora-  
mentis, quae non solum Ecclesiae nares,  
mundumque repleant uniuersum, sed etiã  
Angelos sanctos post se trahant. S. Augu-  
stinus, vestimenta, inquit, eius sunt Sã-  
cti eius, electi eius, tota Ecclesia eius,  
quam sibi sicut vestem exhibet sine macula,  
& ruga, propter maculam abluens in san-  
guine, propter rugam extendens in cruce. ]  
Ut multò magis de Rege nostro, quam de  
Hierusalem dictum illud Isaiae compleri  
videatur, dicente Patre. Viuo ego, dicit  
Dominus, quia omnibus his velut vesti-  
mento vestieris, & circumdabis tibi eos  
quasi sponsa. Et vestit igitur eos se ipso,  
quia Christum induerunt; & vestitur ip-  
sis, quia ornatur ab eis. O, quisquis es, qui  
te Christo vestiri intelligis, qui eum vi-  
cissim

Primo,  
Vestimē-  
ta Christi  
eius hu-  
manitas.

Secundo,  
item san-  
cti, & Ec-  
clesia.  
S. Aug.  
hoc loco.

Isa. c. 9.

Christus  
vestis sã-  
ctorũ, &  
sancti  
Christi.  
ad Gal. 3.

*Eccl. 4.*

cissim te ipso induis, vide qualē te oporteat esse. Nō enim qui talem vestē induisti, maculas admittere debes. Custodi ait Sapiens pedē tuum ingrediens domū Dei. Quod si domū Domini immundo pede intrare nō licet, quia locus sanctus est, vestē, quæ sanctitatis auctor est, maculare licet: Caue, & attende tibi, cū præsertim corpus hoc, quod corrumpitur, & aggrauat animam, vndique maculas facillē attrahat. Nam etsi macula Christo ipsi contrahi non potest, anima tamen, quæ contrahit, vestem hanc inhonorat; & quōdin se est, scēdare conuincitur.

*Tertiō vestes Christi virtutes Sanctorum. S. Hier. ad Principiam.*

S. Hieronymus ad Principiam hūc Psalmum explicans, cum dixisset de mortificatione, & alijs virtutibus, de quibus dicendum cum de Aromatib<sup>9</sup> agemus, Hæc indumenta, inquit, para Sponso nostro: his à te vestibus comptus incedat. Itaque tertius sensus est, vt virtutes, quas filia Regum Sponso exhibent, vestes aromata spirantes intelligantur. Quod si tantopere delectatus est Christus materiali veste, quam Catechumenus adhuc Martinus in paupere illi exhibuit, quantò delectatur amplius hac virtutum veste?

*Eburnæ domus quid significant.*

Asseruantur verò eiusmodi Spōsi vestes in amplissimis, & regalibus ædibus, sed eburneis. Ebur autem & puritatem, & firmam constantiam, & imputribilitatē, & nobilitatem signat. Affertur quippe ex India,

India, nec facile paratur, cum sit ex den-  
 tibus Elephantis; qui quidem sua etiam  
 magnitudine, & mole ebur commendat.  
 Vnde & domus eburnæ, & eburnei lecti,  
 & Thronus Salomonis eburneus prædicā-  
 tur. O qualem esse oportet animam, quæ  
 ebori comparatur, vbi tali vestimenta af-  
 feruantur, quæ Sponso illi, & Regi seruan-  
 tur: de quo Sponsa, Venter eius, inquit,  
 eburneus distinctus Sapphiris. Nec angu-  
 sta illa anima, sed latissima tū spatijs ca-  
 ritatis, tum vacuitate terrenorum omniū,  
 tum altissimis desiderijs esse debet. Deli-  
 buta sunt autē eiusmodi vestimenta myr-  
 rha, gutta, vel stacte, aut Aloe, quod idem  
 sonat, & casia. Quæ vnguenta sic explicat  
 S. Hieronymus, vt myrrha mortificatio-  
 nem membrorum, quæ sunt super terrā si-  
 gnet. Stacte, vel Aloe bonum Christi odo-  
 rem: Casia, vt medicinalis pituitas, & rheu-  
 mata suo calore excoquat: & vt fistula, vo-  
 calis sit in laudes Dei. Hæc de speciebus.

*Amos 3.  
 & 6.  
 3. Reg. 10.*

*Cant. 5.*

Ceterum etiam filia Regum, & Sponsa  
 his indumentis induuntur. Et meminisse  
 oportet quid Sponsus in laudem hanc fi-  
 liarum Regum in Canticis ad Sponsam  
 loquatur, Odor, inquit, vestimentorū  
 tuorum super omnia aromata. Et infra,  
 sicut odor thuris, id est, diuinum quid re-  
 dolentia. Imò ipsas aromaticas species  
 enumerans, Cypri, ait, cū nardo, nardus,  
 & crocus, fistula, & cinnamomum cum  
 vni-

*Quas ve-  
 stes ani-  
 ma sibi  
 debeat  
 parare.  
 Cant. 4.*

vniuersis lignis Libani, myrrha, & aloë, cum omnibus primis vnguentis. Vide quàm longè abesse debeas ab eo quòd Sapiens ait, Vestietur pannis dormitatio, cum te oporteat nō solum à domibus eburneis, sed etiam pretiosas vestes depromere, easq; non vtcumque seruatas, sed odoramentis talibus delibutas. Perpende diligentius qualis appareas in cōspectu Sponsi, vt grata sis oculis eius. Mihi certè de cælestis mysterij splendore arridet, quòd indumēta filiarum Regum, quibus oculos Regis oblectant, ipsius vestimenta vocentur. A vestimentis, inquit, tuis. Nam & si filia Regum illis induuntur, de Sponsi tamen promptuarijs, & vestiarijs acceperunt. Vidit & beatus Ioannes in Cælo indutos vestimentis albis, & palmas in manibus habentes: sed vnde acceperint, non tacet. Datae sunt illis, inquit, singulae stolæ albæ: datae sunt, non ab illis allatae: & si albæ sūt, dealbauerūt eas in sanguine Agni. Nec aliunde habere potuerunt. Nā paterna domo afferre nequiuerunt. Quippe Pater illarum pauper, & nudus vix nuditatem suam confutis ficus folijs valuit vtcūque tegere. Itaque & à Rege Sponso acceperunt, & illi<sup>9</sup> vestimenta sunt: & tamen ipsarum sunt, ijsque delectat eum, ad honorem, & gloriā eius referentes, & sua confitentes, & Spōsi: vt Dei agnoscetes, non sint superbæ; suas confitendo non sint ingratae.

11 Adstitit

*Prov. 23.*

*Quæ ex Spōsi promptuarijs petendæ.*

*Apoc. 6.*

7.

*Gen. 3.*